

柳待制文集

七

柳待制文集卷之十

墓誌銘

元贈奉訓大夫輝州知州飛騎尉汲縣男王
府君墓碣銘有序

府君王氏諱澍字澍夫娶張卒時年二十二其嗣子
興祖纔五歲耳母丁夫人即以府君之喪瘞所居縣
北五里張園之原既四十一年為延祐四年興祖
通籍于

朝為中書禮部主事品視第五得贈府君奉訓大夫
輝州知州飛騎尉封汲縣男於是興祖將以府君之
世業行治載辭碣墓請於其友東陽柳賡曰興祖不
幸在抱而孤無所識知不能悉吾父之聲容而吾祖

柳待制文集一

母蓋常常舉吾父以厲興祖曰尔父多從而祖學刻
志讀書每授一經占誦數百過務口熟心通乃已我
時亦不見而祖之以度程之也尔祖嘗謂我是兒藥
劑而文氣凌厲其進矣乎吾家故艱約及尔祖即世
百為叢委其身晝日接人事外夜分尤力講不暇方
疾既草強起抱尔著膝上泣指尔母而告我曰人非
貧賤之患而憂子孫不克成是子其庶乎唯二母之
望吾今負吾母矣言訖復泣下已而遂卒我与尔母
知其言之痛而未忍即死者以有尔在耳尔父之涉
於世者淺其智不大見而學亦無所施以吾觀之其
涵茹植立他能子弟不一二覲也興祖稍長即深識
之今茲賴二母不失其家尚竊祿食以有饋祀祖

今年八十有六吾母六六十有七華皓後先益受
顯息而吾父之寵第及於泉窆蓋曾不得半薪以養
是於子道不亦至恨也哉吾子幸次而誌之庶有以
慰吾父久沒之魂而且以飭王氏於永久資謹按王
氏世家曲周府君之曾祖諱魏金貞祐九年進士仕
至寶豐縣令祖諱克溫金季以從仕郎為輝州都孔
目官兵疫起手治粥藥以活病餓者民德之卒捍城
死難祖母申夫人始由輝徙衛州之胙城縣故今為
胙城人父諱文昱不仕以明經教授鄉里母丁夫人
也興祖字景先溫續有清裁起家郡文學辟中書兵
部令史歷樞密府入中書省為省掾秩滿以
今天子正位東宮領樞密使時嘗奉署牘用恩進一

柳行制文集一

資授奉訓大夫向美顯矣有子毅國子生贈封令官
五品始予其父階官勲爵母若妻即封縣君景先請
于宮曰興祖之祖母丁實保抱携持興祖以至于今
願以妻呼延所得縣君讓丁宰相義之於是丁夫人
與張夫人益封汲縣君人知榮二母以為王氏仁孝
之符而不知景先之所以藉寵于

國家昇祿其祖母者實以畢成父志而已余聞忠孝
之門克受祀報若輝州之敷惠執節府君父子之仍
世履儒其善厚之澤鬱塞充滿至于今而始發達流
動焉豈真所謂盈科而後進者耶府君之德之漸吾
蓋不知其所心也銘曰

繫王受姓出自諸姬曲周之宗繼別始支于氏子

載德甚備祖烈揚揚孫謀規規有殖其豐而嗇于施孰不蓄畝視爾耘耔維昔孤孱鳩然奮飛有奕命書賁于烝祠亦既顯孚而又燕宜明昭者天不昧人為鏡茲冢石用永厥徽

有元故奉議大夫福建閩海道肅政廉訪副使仇君墓碑銘并序

代趙承

首作

仇氏望陳留譜云宋大夫牧之世入金有更翔平臨潢二縣令者諱輔即家臨潢臨潢之曾孫昌平府君實又徙京兆府君生三子其中子則君也君諱鏗字彥中始亂從府君出禮賓客已落落善占對長益涵揉於學要能以奇氣偉節自致至元八年君生二十二年矣安西王時以親王鎮京兆喜優納人士君布

四六三

物行制文集十

三

衣入謁王語合意竟留給事郎中久之列上其能即試君武備寺壽武庫使十五年遂出知威州廿年稍遷鞏昌路總管府治中治皆有聲稱廿五年進階州尹未赴遭內艱罷於是御史廉得君威州鞏昌數事薦諸朝欲引置言路不果廿七年迺以福建閩海道提刑按察副使起君明年制改肅政廉訪司即用君為肅政廉訪副使間歲自免去曰吾復何為於斯世蓋北過高郵樂其土風回留居十年大德四年以疾輿來揚州就醫藥其年八月十日卒揚州年五十一自承務郎三遷官至奉議大夫卒之日無贏囊副褚儁家巷處之舊聚哭一辭曰善人亡矣至大四年其子治濟濬浩迺克自力奉君之喪還卜大都

平縣西山下莊之原藏爲寔以四月辛酉其城陷
瑩五里君性開疏與人交辰稟傾盡為政多本教化
而自持其身丝毫不取欺方少未仕見白金遺道傍
初不顧已而計曰貧者需錄兩以濟幸我見之他人
則持去矣即俯拾納袖中俟有間來者至自言適貧
得將營親墓君詢驗果然出金還与之其人泣謝道
姓名君訶之曰我豈市息哉在威州民張氏兄弟訟
家財吏展轉速賂更數歲莫能決白亦致困匱君召
諭之曰若兄弟孰與吏親民曰兄弟同氣吏塗人耳
君曰弊同氣以資塗人汝何不知之甚即大感悟相
抱持以哭向君叩頭曰今不敢復有辭矣遂與俱歸
時屬縣吏李芝秀慢令當筭君望見即命釋縛呼前
曰若軀長六尺徒甘捶楚間不知有功業可指取耶
吾與若三日限若不力吾將重置于罰後君出安西
有從騎十數西來見君遽下馬拜曰我當筭吏也公
向脫我罪又勗我仕今効節兵伍為千夫長微公之
德豈有今日在鞏昌會歲大旱草木枯盡僚吏請出
禱羣望君曰得無以寃獄致是乎取其事按問得實
平反上之大雨三日在閩屬行省臣有以采銀為利
獻上徼厚爵者 朝廷下其事設官賦民而地實無
曠民往往貴市入輸君急勅聞有 旨罷其役命按
致言者罪建寧劉氏居麻沙村曠中仇誣其有反狀
州若縣將織羅成獄君慮囚及之喟曰有是乎即以
法抵仇而劉闔門數百指不縫一人君仕雖早嘗

之日不多於閑放之時故其施為注措槩逸不傳今
綴其士大夫口道以熟者一二志焉其所書如是其
所不書大抵可見矣雖然猶為試用者小耳第令充
周而究極之則古所謂循吏不足多也君曾祖忠源
仕為定遠將軍蘭州司法祖福亦明威將軍父昌平
府君諱德明隱居教授口樊川處士者府君自號也
後以君弟銳升 朝恩贈奉直大夫飛騎尉昌平縣
男先夫人郝氏贈榮祿大夫大司徒薊國公謚孝懿
諱德義女先十一年卒生三子一女後夫人粘合氏
先一年卒生一子三女其葬以二夫人祔治高郵府
興化縣尉濟從仕郎太常太祝潛從仕郎大都護府
照磨浩晉寧路聞喜縣學教諭壻曰吳燾御史臺掾

四六

柳斧制文集十

五

盧亘翰林待 制承務郎兼 國史院編脩官早卒
妣庸承德郎中書省檢校官孫男四人曰慶璋延昌
順昌敬昌昔君愛錢唐比過之去來輒留旬月往往
援琴筑以寫山水之清音久焉若新得之故與予同
好相善也今年延祐六年距君葬八年矣而其子潛
丐予文其隧上之碑不腆之言君實知之矧專記纂
尚庸何辭銘曰

蓄之涵涵流之漸漸莫或匪泉築之䟽䟽構之渠渠
堂亦有焉我觀其終有植之隆有發之消謂德既優
不卒于施而又不年不泚其盈不侈于傾以游于天
子則維宗女則維從其之孔延西山之原罔早庶定
有封斯阡以引其休以質諸幽尚孝銘

故奉議大夫監察御史席公墓誌銘有序

近祐三年四月十又六日宰相奏以前祕書監
郎席公為輝州知州越七日御史大夫復奏以為監
察御史五年五月一日卒官卒後五日其妻元城縣
君薛氏奉匱殯京城南明年正月十一日始以舟載
歸其居大名路元城縣將卜葬前行戒其女奴僕公
平生所為詩文記序銘頌藁卷滿一篋來告曰吾夫
遠於學而鬱於用其所著見大略具是吾婦人不能
悉凡外行吾夫在時雅幸知子子為我考擇其尤灼
灼者誌諸幽妾雖斬焉未亡將他日有以下見吾夫
於地矣贊歎且辭既明年其連郭君德夫實又以元
城君之言來速銘蓋贊始客京師公方去官中祕書

柳待制文集十

六

儻居委巷蓬茨一室不能具几席而彊志確立如古
獨行君子間一造之坐譚膏鹽或時竟日不啜一茗
知其所學為有源委者夫其養之之克則其發之碩
遠無疑也而心於是殆所謂天者不可信耶公少學
於翰林學士紫山先生胡公祇適時集賢學士雷公
膺翰林學士王公惲與胡公同稱文章家公往來三
公間其醇然不雜則多得於胡公而芳澤靡滿皆其
自致處困能亨往往推極命義之微以紓其抑塞傳
者以為是怨者之辭耳宜乎公之窮而遂以不振也
公平以御史薦為殿中知班御史中丞崔公嘗目之
曰是真讀書明理者吾知其不回撓矣尋辟擢太師
其陽王府三考當入流內銓即試祕書監祕書郎比

三載其長言於

朝曰席某最宜於官願自留不遷於是復以為祕書
郎至大三年

先皇帝方正位東宮而

武宗皇帝在御公為澄源書數千言以貽兩府其槩
曰正己而格

君謀

國而任人是在兩府宰相元氣也臺臣藥石也元氣
受病則有藥石以輔之彼此相維而

君心可正治道可成識者多之及為御史首論選官
之法固欲循名而責實察言而觀行為執政大臣者
可不監其失而圖其終又論興學所以立教師道不

三十五

柳待制文集一

七

嚴蒙養不正望其成功難矣會內廷臣有欲芽藥為
中執法者一臺愕眙不敢動公獨抗章拄之尋亦自
悔心迺祐四年畿輔久旱春夏多霾風和寧諸甸大
雪益丈人畜死傷公上言應天惟以至誠愛民莫如
實惠陰陽偏勝理有致然宜合近臣經事多而識慮
審者雜議之凡政令得失民情休戚咸得上聞庶有
以啓悟

宸衷圖回

天意他所論列尤多皆精鑿剴直或從或違其効蓋
可睹已嘗曰搜摭案牘而送日以計期會深文以扶
細碎吾無能也其徵於書如是而及以吏事屬公者
莫不云然嗚呼亦志其材御史矣公諱郁字上文

時年六十自承事郎三遷官至階奉議大夫其先大
原人中從大名今為大名人祖諱珎不仕父諱榮仕
為將仕郎衛輝路獲嘉縣主簿卒以公恩贈奉議大
夫大名路總管府治中驍騎尉封元城縣子母楊氏
追封元城縣君公之歿蓋無主後無一銖之貲無一
錫之上始喪至葬薛氏盡斥簪珥鬻以供具薛氏奉
訓大夫慶元路總管府判官致仕諱均女也其葬以
七年某月某日其域在大名縣安家莊昔公受言於
紫山先生曰士所以異於人者以義理養心志以學
問養才能以德養身以名位養功業以道養天下以
政養民以著述養萬世又曰盛極而衰氣數之必然
故君子憂治安而惡盈滿所以君子小人之澤皆五

四五八

柳待制文集十

世而斬蓋識之座右恐恐乎懼一言之不售也公所
為文在藁猶數百篇贊將叙次傳之姑述其也業爵
年而系以銘系曰

繫人有生衆萬不齊或坎而流或墮而隳其人其天
孰全以虧亦昌於言而德不施允茲与存抑又何欺
有寤斯藏有緝斯纒式慰尔瘞誅以章之

方先生墓碣銘并序

浦陽江之始源在婺州浦江縣有山直其東北曰仙
華山山之南里大姓方氏居之先生方氏睦州譜自
五代末徙來出唐玄英處士于宋有戶部侍郎贈光
祿大夫諱揚遠与眉山二蘇公同為嘉祐二年進士
其子滋亦卒官戶部至先生六世先生隱君子也

志游常欲資之以昭德祿性汲汲然恨行地不廣接
人不多蓋老而愈銳初本陳氏子在祿而先府君命
為後曰是能續吾業者何必吾宗踰寇出密杭都主
貫外祖閭門舍人俞公所將作監丞方公洪竒其文
以族子任試國子監舉上禮部不中第於是陳丞相
尤器惜之將具奏請補初品官而丞相去江南已內
附先生未嘗有仕籍然追記其一時所予非班序之
顯人則庠黌之聞士於書無不通究毛氏詩其最窾
者也始蓋用為文以應有司後乃束其興觀羣怨之
旨而一發於詠歌體裁純密聲節嫻婉不緣琢鏤而
神融氣浩成一家言詩既益工業日益落里士吳明
府渭目与其伯兄弟闢家塾延致先生吳溪上遇好

賓客則採撫雲月嘲哢林水間晚善括蒼吳思齊善
父武夷謝翱皋羽序其倡荅諸詩曰風雨集以識皋
羽無子死數百里赴其喪為函骨葬嚴子陵釣臺南
間歲西遊訪遺攬古興滄增鬱自陵陽羊公獻之新
安方公萬里而下若淮陰龔聖子剡源戴帥初永康
胡穆仲南陽仇仁近莆田劉聲之吳興陳無逸皆聯
文字交積其藁卷滿數十便束歸山中如有德邑然
常繇京口泝江至建業又東南出括行桑鴈蕩大龍
湫挾摘景物率藉為賦詠無一毫徼世意或以是迂
先生則笑曰彼豈知我我家故負至先生一倚吟誦
尤不事生殖遂以艱窶終其可傳者古近體詩及他
著述合若干篇未詮次得諸躬無若貽諸後先生集

樂為不死者先生諱鳳字韶卿年八十又二夫人李氏先卒於貫為從表姑曾祖某祖某父志仁其卒以至治元年正月某甲子而葬以其年某月某甲子兆在仙華南東子男二人擇梓克以儒承家女三人適張佐黃旒趙必佶孫男三人孫女二人貫少親事先生比長走外歸輒哀其道路所得求先生而糾正焉先生每翼張之迨茲齒士獲有祿食于

朝是敢忘先生教指我去年冬先生嘗手寫詩一章介其孫壻吳萊來試春官言近得靜疾畫紙與人語則僅可識自視若外域人將死無日矣然行間整整不見老人歌側態方意其雖靜豈遽衰者萊還而趙錄事以計至貫為位嗟失聲已乃曰先生既葬矣塚

四十九

柳待制文集十

十

辭表墓非貫別誰宜為蓋用其所知者酬焉尚先生之志也夫銘曰

不躓于奔而遊于恬維蓄之實以鳴其謙有鞞鍾鏞槩若釜鬻鼓間出聲震轟嚴嚴器之碩者則因不兼先生中身退然潔廉藪其和音不慙不慙不薦廟郊卒死于淹歸歸仙華越人所瞻瞻之維何匪孚用占有封斯隆如車如幟門人作銘式昭厥潛

亡甥故宋太學進士俞公墓誌銘并序

內弟東陽俞仁傑將以月日葬吾甥府君乃自其鄉貽書京師告葬期贊哭拜已南嚮祝曰贊為貧持祿以縻于茲喪不及臨葬不及虞罪也奚贖獨假茲蓋石文著府君之隱德闕行質諸其幽尚庶幾有以慰

其營魄於地下則系之曰府君諱相字瑩中曾祖諱
寬祖贈承事郎諱嘉會父通直郎衢州軍事判官諱
能千府君幼從鄉先生學治經為小戴禮大義下筆
纒纒千百言宋咸淳七年仲父閣門舍人公當任國
子以其名牒上試入等得補太學生祭酒司業博士
第其四業常在諸生右又明年外舍校定成即升內
舍宗太學制有三舍法由其選號能文章則階通顯
矣於時府君纔二十餘而衢州公方監省舍門與閣
門公並有列于朝所交皆望鄉達士府君旦暮冠帶
出入橋門肌膚澤指儀觀秀儼人以為是藉諸父以
成名者何足與寒畯角哉及從院小吏竊錄其文而
證其繩尺之當否則更翕翕稱讓悔謝其知之淺也

又數年而宋亡六館為墟府君亦徑歸不復出崎嶇
兵間生理銷落蓋晚得重腿疾宴坐一榻吟呻佔畢
外獨者天又圖書探研輿蹟不遺毫絲嘗送推其機
祥災沴之所起曰後當然耳已而果驗然不以語人
而人亦不識之間則課子姓讀書耆舊過門問故京
人境離合交交出處銜杯接席歎歎感愴已復齋欣
笑呼賈勇為樂猶有承平風流意態自餘壹不掛口
其言曰盛衰者物之變也而吾之不變者曷嘗有盛
衰哉嗚呼府君非得道者歟其卒以延祐六年八月
廿六日壽七十一窆以泰定元年十一月其日兆在
西部鄉金家山夫胡氏子男三長仁傑也次傳翁
早夭次儼翁出後同邑卜氏女一適胡漢榮

男三文辭文奎文恭孫女二適呂榮王致平閭門公
則贊外祖通判靜江軍府平官銘曰

始之遂遂若或將之終之寒寒又或方之不磷不緇
嚴其休光嗟何嗟矣德則允威于以謀之維後之章

元贈太中大夫東平路總管輕車都尉鴈門

郡侯田公墓碣銘並序

延祐四年朝請大夫德州知州田君澤既去官以赴
中書為考秩進大甲大夫而以中山府知府致仕五
年為至治二年

天子推恩目下寵及其世生封歿贈具如

詔書於是君之大父母父母應在卹典得顯贈有荖
曰世昌大父也階中憲大夫官南陽知府勲上騎都

四一九九

柳待制文集十

十二

尉爵鴈門郡伯曰誠父也階太中大夫官東平路總
管勲輕車都尉爵鴈門郡侯曰李大母也曰趙母也
並追封鴈門郡夫人泰定二年君年七十又九而君
之子居中亦且六十又一相顧言曰吾世鄭人始吾
大父南陽府君遭金甌嘗攝承其州事亡幾病免卒
時四十五亂盜急李夫人徑攜吾父與二弟冒賊抵
險間走渡河北居保定因伍民以著其籍吾田氏宗
仆而復植夫人力也父之以彖弟屬吾父曰尔兄弟
留應更繇吾揆尔季還老子鄭矣得年七十八以卒
故吾東平府君方在艱棘已知奮厲自力於生業卒
能紓窮取裕以開其家及進從學士大夫遊則慨然
興起謂吾今不逮於是侯吾兒既長必求明師教掖

成就之庶其勿替以引乎自吾有知猶常常舉之以
督以倣吾父雖遠而訓言在耳敢忽忘哉今吾幸藉
祖考遺德保有祿食歷八官而絲毫不挂於吏議遂
得休其衰髦以下從先君子於九京爾復有子有孫其
深識之又曰吾旦暮人耳吾大父母之葬在鄭昔吾
守鈞嘗改卜窆鄭之新鄭縣韓保村吾子孫生於保
定吾父卒於保定而田氏塋於保定蓋自吾東平府
君始矣爾遊居京師孰能文辭以著吾志爾持吾言
而往請焉倘哀而畀之則鑿諸窆石表諸隧上尚田
氏永有寵綏居中嘗善於貫它日攝齊款門前致其
父中山君之戒曰子而不諾吾無以反白吾父貫曰
孝子仁人之心予將張之不暇而敢以辭嗟乎春雨

既滋草木怒生至其條暢葉茂而本根之蔭藉或不
能無賴於斯予觀田君之所致知其積累之有自則
夫享有樂康而子孫啟慶之若是我東平府君之蓄
播於前者宜其穫之炊之而無已也府君之卒在至
元廿六年十月二日春秋六十有三卒之七日窆清
苑縣馬車村後十八年而趙夫人卒蓋七十又八矣
即舉以祔府君之兆子男三長澤也澤字濟民次渥
次淵淵早卒孫男二長居中也次居仁曾孫男四長
恕從仕郎大都酒使司提舉次恂將仕郎順德路廣
宗縣主簿次恪次懌曾孫女二長適翟居禎次未行
銘曰

田維媯姓顯氏於齊粵有代序乃別乃支譜散宗繇

逝矣莫稽攘攘鄭郊瑣瑣夫屋相時母賢暨于育鞠
畔渙流離式嗣式續基之樸之以有東平爾蓄必流
爾鬱必聲保人敬恭言觀厥成厥成伊何以克有子
亦仕而優弗殆而止徼其寵章烝畀考妣維考若祖
殿邦伯侯封土祁祁在晉之諏曰大爾承曰輯爾休
嗟今之人匪朝謀夕車來賄遷賈罔常獲視彼田宗
其處安宅四世百年孫魯孔儀曷其以徵墓則有碑
博士司誅維顯詩之

亡友王君景先墓誌銘

并序

景先姓王氏諱興祖自中書東曹掾六遷官至朝請
大夫禮部郎中泰定元年四月扈從如北都七月十
八日卒留守官舍輿其匱還京藁殯文明門外將以

某年某月某日啟葬衛州西南小店原距州三十里
景先本曲周之宗其曾祖在金季嘗為輝州州佐捍
城死難因留塋衛之胙城為其縣人胙城濱古河道
比年飄砂擁礫漫没人廬舍冢墓景先在時方欲求
地改兆不幸早死今嗣子毅窮窮承志以獲吉卜而
不知景先之遂從此土也始也景先五歲有父喪賴
祖母丁夫人克自生殖踰冠學業見端序即起為汝
州學正試辟兵部令史由樞密掾入東曹會
朝廷議行科舉以興能取賢凡所著令必經景先手
乃定延祐四年考成用

仁宗皇帝居東儲領西樞進奉署牘恩超一資授奉
訓大夫中書禮部主事改大宗正府左右司員外郎

尋拜監察御史按河南廉得其省參知政事宜匝陌
丁醜虐民吏數事劾罷之次江陵召為吏部員外郎
亡幾出簽燕南河北道肅政廉訪司事建言敦本崇
化在尊右儒術自上所會粹漢唐諫臣遺事曰憲覽
數百條廷論賞其知要慮囚至大名民有彭甲自服
為盜繫獄踰年景先閱其辭遽曰此非盜盜未獲耳
已而果得真盜疏免彭而論長吏失入如律滿二歲
復以禮部郎中召還死其官春秋纔五十二娶呼延
氏一子毅國子典籍景先事丁夫人孝謹夫人餘九
十猶在養景先旦暮節時其食飲怡愉樂康忘其羣
也蓋景先敏學強善與人交慎終始平居不屑屑口
語而臨事持議卓見廉角從仕廿年家無一凡之覆

一廛之耕以寧其居老母丁男孤寄京師平生交友
多疇之者其所珍畜經史子集數千卷古名人書畫
數十軸而已尤好為詩趣尚恬素辭亦清冲在藁數
十百篇往往多可喜予來京景先辱与之遊命其子
毅從學治經深懷密抱見輒傾盡在東垣書疏往來
無虛月嘗欲聯鱸吳越擊觀山川形勝以摠發其撫
今思古之情而景先不能待矣將槩叙其出處昇毅
侯墓期鑿之樂石納諸墓中而毅復泣拜以請景先
固善予言其又何辞若凡世系具先府君誌銘此不
著著其應官行治之可傳者銘曰

古儒行猷無贖學稽經用律道斯傳景先進途如發
纒端車而馳閑短燧羣飛方孳見孤鷗孰返其歸赴

冥漠九原茫茫呼可作

承直郎管領拔都地民戶總管五公墓碑銘
并序

高安伍氏著籍于其縣之仁南鄉上泉里者實自豫
章臨江再徙以來至管領拔都地民戶總管諱先輔
始嶢然稱大家墾其里中矣拔都地漢言健兒初
世祖皇帝統壹疆宇勅嘗扈駕南伐驍勇十一萬戶
留籍漢湘命樞密院即江陵之松滋置總管府為署
官比秩三品揔凡役之政令其貢賦物估則因湖廣
行省以輸達于上蓋系乎兵民之間而優養之也延
祐三年公用

東朝宿衛息起家一命涖其府在官三年樞密且方

四子六十三

神符制文集十

十六

奏公政績宜遷而公以病滿百日當免徑舍婦間二
歲復至京師覺體中風眩即日南旋及家猶經紀諸
務甚悉泰定二年秋九月疾作遂卒得年六十明年
冬其孤允恭十兆撫州臨川縣明賢鄉白竹坑之原
將奉匱以窆先期屬其父友廣東帥府掾李榮持事
狀与其府所上最贖走鍾陵乞辭以揭諸其隧予讀
太史公書見其紀次三代戰國秦漢事本末可稱道
或者謂退處士崇偵殖更有所蔽然不知治產積居
在退時好取世資而推利任義不拘牽常笑固卓然
豪傑之士哉若公甫試而効其可考信者如是是足
以表著之于後矣公自少有智力用之營幹輒操其
贏久之治別業豫章度資用益裕闢塾里中致名師

家其子姓以學實義廩嗣宗黨鄰比之不能自振者
豫章城東出墾仙門通道吳楚粵故杠沮壞公伐石
新之治織塼一百五十尺街石為錮且屋其上比至
松滋松滋民阻饑公發糞楮得中統鈔三萬六千貫
移縣俾計口子之而富民亦稍出粟以佐所全活三
萬戶有奇前是府建白水書院便學子肄習而庖廩
不繼公曰士有事而食然則學非事乎輟羨俸一千
七百九貫率先僚吏為市稻種田三十石其贏猶五
千貫樹為學食毋錢山南廡訪使者善公幹敏檄行
縣經畫江陵侵沒學田之在版者得水陸田林園一
百一十一頃歲廣其租一千三百一十三石中統鈔
亦五千五百八十五貫於是訟辭連民吏多移公廉

問凡廿餘事鉤致其情人以不寃諸使皆列上其迹
至宗飾廡署增築達道徵工需材常有餘用而不以
勞勩誣民為公之民蓋晏如也晚還二泉遭歲荐侵
白郡顛輸米麥各五百石從官中給食貧民又大出
米五千石下其估貸之九無業者聽以力傭葦剩粟
石二百往賑鄰縣南昌進賢日為糜粥舖行者環其
居百數里人倚公以生公襟抱開朗未嘗躬佔畢為
學問奮其猷行徒手致貲筭鉅萬緡散施張不抑不
浮結賓客蓄僮奴樂赴人之急有古任俠之風使位
与年可以俱得則漢貲郎功業可指取也嗚呼惜哉
曰天富曰文貴曰大賢公之曾大父大父也曰劉
曰黃曰傅公之曾大母大母也曰盧曰楊曰也先

忽都公之配而也先忽都宗王女也曰允恭曰朝弼
曰趙寄公之子其庶趙寄更名普安為允恭後允恭
嫡也曰普閔公之孫也曰某甲子卒之日也曰十二
月乙酉葬之日也曰承直郎公之階也曰興甫公之
字也曰樂泉公之自謂猶曰樂乎斯泉云也予不佞
既為撰其可書者序之又系以銘銘曰

道散俗卑用智自贏進乘其時反齎致成如風水遇
如區者萌果孰使然以施以生惟過而續其機不停
既取既新有益無傾我觀伍宗由拊而榮翕之敷之
信若權衡豈徒專己列神淑形一節臨民民歌治聲
將升于明載輯于寧飲德沐惠我鰥我惇志使樂郊
移之里閔直究其庸胡不百齡有嚴慶源來襲繩繩

四二六一

柳待制文集十

六

爰卜葬龜迺闢幽扃去深水長函齎葆靈曰茲公宮
尚考劄銘

元故大司農史義襄公墓誌銘并序

中書右丞相贈太尉鎮陽忠武王大勳在盟府不朽
在史牒世稱真定史氏猶漢韋楊唐英衛而濟美過
之大司農公謚義襄於太尉為從孫而金紫光祿大
夫兵馬都元帥之孫也元帥太尉母兄鎮真定闔門
百口死武仙之難獨二子先從大父行六部尚書留
北京獲免季江漢大都督實生義襄義襄幼有大志
太尉愛異群兒命冢嗣萬戶翰為己子攜戎襄鄂少
長在行間耳目濡染帶鐔知兵甫冠長于夫從遂
宣機餘寇手射數人萬戶後以宣慰抵下靜江

廣西十八州廣東三州義卒常先登以功授直郎
同知靜江路總管府事時有盜據肇慶行省假義襄
肇慶總管往討平之還遷奉訓大夫潭州路治中未
行進廣東宣慰副使改湖東在廣殲洞獫狁德俘蠻
舡千艘在湖破山賊柳分司衆七千枯蒼踣婁蒙才
楊鎮龍衆五萬東陽摧俞高衆五千紹興殪詹老禍
林雄劉甲一衆數萬温處間功最一時先是張元帥
和範南海凱旋請以鄧軍還史氏宣慰使時為右丞
應曰臣子耀可耀義襄名也召至右丞進平章政事
夢明日 制下授朝列大夫鄧州舊軍萬戶義襄
哭踊誓極前須平章嫡子榮長歸其官平章六子籍
其田宅奴婢口均畀之不自有一毫奉平章与四夫

四十五
柳待制文集十
十九

人之喪返葬太尉北尋以榮入覲俯伏奏曰是日所
後父之嫡子生十四年矣宜代目領鄧軍

世祖皇帝義之命榮罷萬戶壽會將殺閣波兵以榮
祿大夫福建等處行中書平章政事起義襄將其師
別錫帟符鞍勒弓矢徂甲兵未出復卹其世舊改授
他帥於是

成宗皇帝始正宸極即拜資德大夫江淞等處行中
書右丞至則除火餘官屋之傭若干緡禁官市惡鹽
鑄減江東戶課金人有訟行省目失儀者群引義襄
為證 詔遣御史按問義襄以實對言者指為阿

黨義襄退居待罪 上深知之遷江西左丞又
遷湖廣一年後還江西罷贛州屯田軍廣東民丁

召入拜大司農無幾以太夫人年八十乞身歸養未
報大德九年二月壬辰薨京師春秋五十義襄字曼
卿娶祖姑之孫劉氏貞順靜嫻不見喜愠事太夫人
為令婦字子姓為賢母嫻黨視儀為生子男一壘資
善大夫江西茅處行中書省左丞女一適資善大夫
司農卿王師聖泰定三年左丞按典式上義襄凡行
太常為定謚義襄劉夫人亦先封常山郡太夫人明
年夏左丞以事如廣州夫人遘微疾比還而亟以六
月辛巳薨龍興寓第享年六十八左丞舍官扶櫬浮
舟萬里此歸真定將卜是年某月某日啓義襄之菴
合窆姜固山之原都督兆次泣謂屬寮柳贊曰先公
在殯久懼傷吾母心未就窆窆之禮罪也今不幸吾

柳行制文集十

二

母亦至大故惟隧道有碑柳城姚文公嘗擬其大節
著之吾將鑿之迺若幽堂之銘所以申吾陵谷之慮
者子其可讓賚弱齡以民事義襄公見其儀觀碩豐
器度和邃恣我赴敵奇略捷出而臨民豈第如恐傷
之尤好賓禮宿儒名士燕衍無虛日盛德宜後是生
左丞早以令猷再牧侯藩三參機政克踐世官以光
大元帥太尉之遺烈然則義襄曷其死哉尚書於公
為曾祖諱秉直元帥為祖諱天倪都督為父諱權平
章為所後父諱格公之孫男四長鈞承務郎籍田署
令次銀山長安金山孫女三長適其餘尚幼曾孫畧
女五人銘曰

史氏世臣佐

國基命宣

武威九土著定

都帥執節死心孰存其孤以克保姓匪姓之保實鴻
厥慶公生師中屬時鼎盛殪戎獲醜憬彼無競幢纛
舒舒前騎後乘既輟西師重付宰柄山區海封我藩
我屏三邊晏安不戒而令徵為大農始還朝請
帝曰汝庸予其聽瑩汝儀迓聯陳善謂敬公拜稽首
謀予于罄且有毋揚待臣溫清忠長孝短高聰幸應
詔可未須覆其一鏡公自服官被遇

二聖太尉諸孫獨也淵覲其覲維何日節其性雖則
宴娛不縱不營天道匪訛常以善勝適觀穠莖故想
甌甌肆令象賢如泗有磬聲于廟階可間可詠倬茲
人門輝光引映手開玄堂為神之廷公遊于斯死日
當瞑石固坎深山經川亘尚利嗣人罔弗宜稱陵谷
有遷於焉取證

師氏先瑩碑銘并序

師氏寧夏人而有瑩於濮陽之東蓋其徙居三世矣
徙三世而始顯且大若富人之稼然耘耔之力優則
銓艾之功至豈以旦暮計獲為贏哉泰定二年今江
西湖東道肅政廉訪使師公由二部尚書出宣慰准
東升秩二品按典式得贈封二代及制下大父諱
某自中書兵部侍郎贈嘉議大夫中書禮部尚書上
輕車都尉追封寧夏郡侯父諱某自中書禮部尚書
贈中奉大夫河南江北等處行中書省參知政事護
軍追封寧夏郡公大母惠氏母王氏並寧夏郡夫人
於是公貴凡三錫命書美寧夏之俗僧民同

厘而異版郡侯之父諱某仕夏為管僧官在國中稱
大姓郡侯生十四歲會 天兵破滅夏以西有
首戈矛所向者髮無遺育郡侯方被驅 太婿昌王
見其姿儀頗怒髮澤鮮潤憐而生之解駝鞍覆上使
伏其下傳令者再至 太婿不得已宣言曰全定河
西一國不留一童男備 貴主炊爨乎遂收置邸中
迨長出街使命歸致分賦有忠實稱 太婿薨郡侯
亦以其家卜大名之濮陽居焉又營別業汴之許昌
故濮東之瑩即祖郡侯郡侯生郡公尤慎厚尚義不
樂為浮靡事平居雖臨阜隸無矜慢崇重儒術教子
諄切終身未嘗出一惡言鄉里号为德人卒年四十
九葬濮瑩第二域蓋師氏之在濮陽肇基於郡侯堂

構於郡公而塗墜堊丹於廉訪公其所由未漸矣不
然郡侯以童羈之身脫鋒刃之難東來數千里卒開
子孫顯大之業以余觀之其積仁累德是不特一世
孔肆今廉訪公早用才敏躋榮仕路再遷而以左右
司都事佐河南省拜南臺監察御史改西臺復以左
右司員外郎佐江浙省召入為御史除浙西廉訪副
使遙以右司員外郎召進兵部侍郎出牧平江選為
京尹遂長二曹入儀班著出秉旌節宏猷碩慮山立
雲翥方中外期屬如公不四三人然則公顯大其祖
若父以光裕于師氏之宗者殆不心是也嗚呼士之
誠善于躬不克自奮雖湮鬱於一時而終焜耀於夫
世又幸而代遭

聖神崇孝勸忠著為褒卹之典寵有封賚澤及漏泉
曾不以遲速幽顯為間則夫求天道於悠邈而忽人
事於細微徵諸師氏吾固不得而深信之矣郡公子
男四其二早世長即廉訪公名克恭字敬之四娶曰
王氏累封寧夏郡夫人曰蕭氏未封而卒曰拜葉倫
氏曰周氏次脫脫木兒以子通籍得封承事郎長垣
縣尹娶乃蠻氏亦封宜人女四適某某其孫男六
孫女五曰恒曰晉國子生公試入等承事郎同知泗
州事曰升亦國子生壻曰某某廉訪公出也曰德
寧曰李羅登泰定元年進士第承事郎同知濟州事
長垣君出也曰塔海壻曰某某早世者出也外孫安
兒國子高等生起家承務郎江州彭澤縣達魯花赤

丑間泰定四年進士滑州白馬縣丞郡公內外孫九
人其四皆掇文科餘亦有仕資師氏之德其可究矣
乎昔贊以博士教國子晉升李羅執經席間審知公
立朝大節迺茲備官江右實變容察公謂贊曰先瑩
之碑無辭以刺遺美不彰余維多罪子嘗司誅奉常
所言宜昭潛信後其為我著之何如贊承命叙次復
系以銘銘曰

山條川支演迤西來經于夏墟風氣始開其產美玉
球琳瑤瓌或顯或湮由見者異湮為淵珎顯為瑞器
幾而之用不必並世維宗師氏曷其祖東匪于兵棘
將啓其逢辟彼流坎抵平則通大鼎養賢獨家于金
烝我聞孫仰變成式式是孝忠明揚厥職既儀于

亦曰亦宣靈承湛恩大真坐泉元侯上公疊受重延
公曰斯寵吾祖吾父蓄厚報優余何能舉遂有桓碑
廟有簋簠不聲于歌胡考其休濮東之封自吾祖侯
念瞻夏西興雲如丘高曾之靈赤其度止同佑我後
款于茲祀託辭貞珉式究終始

周東揚墓誌銘 并序

東揚之學成於科廢學散之後其植本豐故其枝葉
茂也延祐初元

仁宗皇帝方出宸斷尊右經術闢科舉取士之路而
新學諸儒以非所素習挾其利而取之議者咸詬病
焉獨東揚大立小隨恢恢乎有游刃之地矣

年江西以春秋舉上禮部有司訾其策語不合意不

得第七年復以禮記舉上明年至治元年擢丙科授
將仕郎永州零陵縣丞零陵在荆楚上游俗戇民黷
東揚至則因其所蔽為開說仁義使知去彼就此縣
有巫嫗曰國母自詭能言禍福為書數通使弟子行
民間愚者爭願標名其上由是趨門日衆東揚曰張
角三十六方其初亦不過是亟逮寘于法比縣祁陽
有馬前卒毆民至死長官故匿其實東揚次當檢覆
得其情瀆中一訊即伏論者常謂儒者迂疏少功而
不知真儒之効固隨試有成者如此代還赴吏部銓
調為南安路上猶縣尹致和元年三月到官其民素
聞零陵之政私相告語曰吾縣多幸

朝廷畀以善人長者庶其惠休于我吾敢自戾于

未幾疾作猶強起署文書理訴獄既而浸劇移告北
還以五月十四日抵家二十八日遂卒東揚姓周氏
諱尚之東揚其字也春秋六十又一曾祖諱光祖祖
諱山甫父諱子鴻三世皆隱而不耀初室以王氏趙
氏繼室以蔡氏子男二曰頤言曰永言孫男二尚幼
東揚務為深遠靖簡不事燥衒其學根柢六經旁出
入諸史百家至莊屈荀揚左馬韓柳氏之書皆手自
繕寫行吟坐諷將老不輟比州並邑走書授幣闢塾
迎致以先得為快既取第需次里居耒學之徒常數
十人寤疑辨惑無不厭滿平生所著有禮記集義若
干卷過言卮言敲音又若干卷藏于家頤言將以天
曆二年某月某甲子奉柩卜某鄉某原為窆就窆先
期以其友熊椅以述事狀求余銘余初識東揚京師
泊來江右而東揚調官始歸一再過余以其學交相
證情好弥款別之上猶未數月而已不可任矣嗚呼
余讀豐城志載鄉貢進士周諤熙寧中亦撰勅書樓
記服其序述之嚴論議之確而又得東揚所著雜詩
文喜夫周氏之世再以文顯可尚也哉迺序而銘之
其銘曰

古儒治經爰稽其實今士徇名辨文薄質於皇盛時
載崇經術取人以仁異材軼出東揚始斥用鄉三物
射策先登如稼斯銍丞邑于荆績用仡仡既陟其明
亦朱其馘尚俾之年承休進律以觀儒猷以驗天
大車在行將駕而賡彼耄而嗟此壯而悌不亡若存

其音秩秩庶其方來昭光紹述有相斯丘惟君子
吾銘昭之聲于湮薈

元贈中議大夫同簽樞密院事騎都尉追封
南陽郡伯宋公墓碑銘并序

至元廿四年冬十月南陽宋公敬之以湖廣行中書
掾徇直節不阿積憤懣客死于靜江驛舍時年四十
有六自公之死讒譏稍戢心論獲伸既而姦臣伏誅
天下曉然知有君子小人消長之分矣初長沙武安
王阿里海牙貳太傅淮安忠武王平定江南有功上
流及平章湖廣行省致公為掾於時阿里伯崔燕帖
木兒出為江淮行省左右丞深務綏撫新附擇循良
吏為守貳令丞人便安之如承平時中書平章政事

阿合馬既竊政柄一視償財輕重不問獷悞黠瘖皆
署江南官名海放選二丞輒從中沮止故有隙阿合
馬銳意窮索崔公以應地蹤跡疑似將傳致其罪無
所得時公初升營田府提控案牘疑其府嘗有子誣
逮公入刑部獄使鞠者羅織成之公拒不承鞠者雖
暴酷終歲不能更其一辭會崔公中禍死公得解去
鎮南府征交趾大將六七十人武安与焉公以掾屬從
兵入境破險隘降其若干城方上功京師其秋海盜
潮盛交人乘勢潰隄灌其軍府倉卒班師武安脫急
難顛沛公未嘗頃刻離左右也阿合馬敗桑哥驟得
政尤奸黠殘虐樹姪姬黨與聯絡中外要東木為左
丞湖廣當武安時所欲為不得直遂以其積仇累惡

京師桑哥挾為左驗行其讒武安自戕死時要東木初見公實欲深致其毒猶誘以甘言會石大獫竊發湖南左丞劉二拔都兒當統師往捕要東木迺宣言曰吾省常軍改制變嶺海間非練達吏豈能有濟命選公為本省掾南去而欲因事中傷之烏馬兒再舉征交劉復主餽饋要東木特輟公劄造石康海舟拮據纖碎無其迹猶下急符勾攝氣燄暴甚公在瘴鄉居鬱鬱不遂及赴逮益以憂憤得疾次靜江遂卒

關四年

朝廷大正桑哥誤國之罪要東木亦次伏其辜於是天下有識之士咸服武安知人之明而以公為能自靖自獻庶幾乎不辱其身者矣公諱欽其字敬之世

四六五

和字刊文集一

二二二

為相人治岐伯鬼吏區言為方脉醫金徙都大梁曾大父為尚醫入內診上脉息著聲始析家遷來河南大父值金亡避兵又徙南陽府舊縣曰申州父全勇慧多學依葉縣富人楊氏為婿故又為葉人三子公其中子也公起家試吏南陽府主供給攻圍襄樊軍用無乏以能擢河南營田總管府提控案牘武安識公材器拔於眾中故亦能以死報武安焉公之配東平趙姓生子男四曰文祐曰文瑞曰文瓚曰文琪延祐三年二月甲申始克葬建康之上元縣金陵鄉龍灣之原墓已八年為泰定元年

朝廷載定褒卹之典以寵嘉臣子之世於是公之子文瓚入為右司都事得贈公承事郎趙夫人始封宜

人明年文瓚自監察御史左司員外郎出為江浙
左右司郎中加贈公奉議大夫樞密院判官驍騎尉
葉縣子夫人進葉縣太君天曆元年文瓚為禮部侍
郎升秩四品復加贈公中議大夫同簽樞密院事騎
都尉南陽郡伯夫人亦進封南陽郡太君時文祐以
廣德路筦庫官先卒文瑞以承事郎淮安路沐陽縣
尹去官繼卒文琪以福建驛馬提領最先卒而文瓚
之妻南陽郡君王氏亦卒京師皆寄葬淮浙間明年
天曆二年文瓚乞告于 朝將捧 命書真墓下并
啓兄弟與內子之殯益祔公兆次同域異窆先事請
下其友東陽柳貫曰昔吾父執節懷義恩遭誣讒卒
以讜死死三十七年而葬葬十有三年幸叨

上恩錫封子爵惟具著哀榮終始文諸隧石庶有曩
制敢以狀私于執事貫曰公行應銘法侍郎又以禮
請其將何辭迺序而銘之且以信夫君子之澤積久
而流長者如此其銘曰

井變而阡祿不以世士而從仕委身徇義不怵於威
不劫於利志立誠存之死靡二始南陽伯署郡功曹
用文無害著其年勞進事武安從征于交執我勝莫
制彼繹騷班師而還不亡一矢君子小人同趨異軌
有妖者狐含毒跂跂玉以攻全誰匱誰毀憂恚憑陵
殞厥中身諒哉一節可質明神子也初嬰既免而紳
天耶人耶定勝相因上聖垂仁率土怙冒亦臣昭先
以勸忠孝有爵有封有煖其跽葉旣滋如雨露膏

有制車旂有分七田子寵疏榮下漏山泉曷以薦之
尊卑巨邊來假來歆遲公其旋魂氣之升炬炳泉冽
既伸既止上昭下徹矧是佳城相望中葉何必故鄉
有安無艱蔣陵之南鬱其松楸并世相從樂哉斯丘
子之孫之是蔭是麻揭德振華以列諸幽

王山居士胡公墓誌銘

王山居士何以名不矯善不誣實隱於其鄉即以其
鄉之名自謚焉象其德故稱其名也居士生宋寶慶
丁亥得壽八十有九以延祐乙卯六月二十九日終
于家閱七年而葬之域曰樂立其地坵塘迹於其
家居士所自卜而自名之也居士孝積于躬而行儀
子家中遭易代安隱無競既老而傳益夷猶林壑間

柳待制集十

廿九

潛幽伏窈寤甯寐歌戒悄以悲亦欣以樂也焉
於義故宗婣里黨無違言周於禮故祀饗昏冠無愆
節儉不至陋用不過奢其所履如此而其可以盡後
訓嗣者不止是也方年八喪子孫將洗腆致慶忽命
肩輿徑尋天台桐栢之勝登瓊其臺俯不梁經月乃歸
霜髯朱頰望之如古仙羽人遊戲人間而偶見之也
居士姓胡氏諱釋之字開甫其先自永康徙來東陽
之玉山曾祖諱亶祖諱元俊父諱景南受業于国子
司業陳公大猷之門者居士之世也居士娶石潭俞
氏柔儉慈順為令婦為賢母諸行卓然二子曰有光
曰召席召席為林氏後孫男五曾孫男八居二之源
慶有衍者尚未艾也俞夫人生淳祐乙未卒延祐庚

申之二月三日壽八十二也明年十一月庚寅合葬
之日也居士之同祖女弟適余明宗太學進士俞公
內弟仁傑實以有光狀來請銘余不得而辭也余觀
自古史記所載隱德之君子豈必奇迹顯行越衆駭
俗為足傳哉亦曰友諸其行而信質諸其後而無疑
焉耳則夫居士之葆素守冲終於耆耄世雖一紀而
其善行不亡固凜然大雅之遺風也序而繫之銘維
以志夫實也銘曰
不憚于脩不墮于行既壽而康以厚其生亡鑒之嗟
惜不百齡歸于樂丘體安魄寧尚利尔後迄觀厥成



